

Nazioarteko harremanetarako talde berria aurkeztu du Euskal Herritarrok-ek

Joseba Alvarez da arduraduna, eta Barrena, Goirizelaia, Agirre eta Gorostiagak osatuko dute

Alberto Barandiaran / Iruñea

Joseba Alvarez, Fernando Barrena eta Jone Goirizelaia izango dira EHko nazioarteko harremanetarako taldeko kide berriak, atzo talde horrek Iruñean adierazi zuenez. Euskal Herriko egoera ezagutaraztea, irtenbide politikoaren alde sostengua lortzea eta herri zapalduen laguntza ematea izango dira helburuak.

ENTZUTEGI Nazionalaren aginduz espetxeratuak dauden kideen ordezkioak izango dira Alvarez, Barrena Goirizelaia. Lehen taldeko arduraduna izango da, parlamentario nafarra Europaz arduratuko da, eta Goirizelaia Amerikaz. Bai Barrenak bai Goirizelaia horrelako lana eginga zuten lehenago ere, eta ez dituzte utziko parlamentario aulkiak. Haiekin batera, Esther Agirre —orain arteko taldean jardun duena— eta Koldo Gorostiaga EHko europarlamentarioa izango dira lanean.

«Erantzukizun politikoaren adibidea»

Arnaldo Otegi adierazi zuenez, talde berria martxan jartzea EHren «erantzukizun politikoaren adibidea» da. «Nazioarteko lana oso garrantzitsua da herri honen egoera ezagutarazteko, eta, kriminalizatzeko saioak izan arren, ez gaituzte isilduko». Aurreko



CRISTINA BERTAIN

Pernando Barrena, Esther Agirre, Joseba Alvarez, Arnaldo Otegi, Jone Goirizelaia eta Koldo Gorostiaga, atzo.

ARNALDO OTEGI

■ ■ ■ «Nazioarteko lana oso garrantzitsua da herri honen egoera ezagutarazteko, eta, kriminalizatzeko saioak izan arren, ez gaituzte isilduko»

taldeko sei kide daude egun espetxean: Elena Beloki, Mikel Korta, Gorka Martinez, Mirian Campos, Mikel Egibar eta Sabin del Baldo. «Operazio judizial-mediaticoa» izan zela esan zuen Otegi.

Alvarez adierazi zuenez, hiru helburu izango ditu taldearen jardunak: Euskal

Herriko egoeraren berri ematea nazioartean, irtenbide politikorako sostenguak lortzea, eta herri zapalduen laguntza ematea. Horretarako, lau arlotan lan egingo du EHk: euskal diasporarekin, elkartasun komiteekin, gobernuko erakundeetan lan diplomatikoa eginez, eta,

azken buruan, ezkerreko eta askapen mugimenduekin.

«Nazioartean jende askok pentsatzen du Euskal Herriko arazoa arazo politikoa dela», esan zuen Alvarez. «Hartaz eta bi urte garrantzitsu hauetaz informazioa eman behar dugu. Gure proposamena, Lizarra-Garaziren proposamena, ezagutarazi behar dugu», esan zuen.

Alvarez ustez, «gatazka-ren konpontze politikoa lagunduko lukeen giro egokia» sortu behar da. «Konpontzeak derrigorrez ekarriko lituzke erreferenduma eta hauteskundeak, eta horrek nazioartean onespina behar du».

Aramendi da ABko hautagaia Hendaiaiko kantonamenduan

■ Heldu den martxoan izanen dira hauteskundeak

Hur Gorostiaga / Hendaia

HELDU DEN urteko martxoan Ipar Euskal Herrian egingen diren kantonamendu hauteskundearen kariatara, Abertzaleen Batasunak kantonamendu guztietan hautagaiak aurkezteko xedea agertu du.

Asteazkenean, Filipe Aramendi abokatu urruñarra aurkeztu zuen Hendaiaiko kantonamenduko hautagaia gisa.

Aramendik azaldu zuenez,

orain arte abertzaleek «azken momentuko kanpainak» egin izan dituzte, baina heldu den urteko hauteskundeek izanen duten garrantzia ikusirik, bere burua aurkeztu eta kanpaina «herritarrek batera» prestatu nahia azaldu zuen.

Hamar kantonamendutan egingen diren hauteskondeez gain, udal hauteskundeak ere izanen dira. Horren kariatara, lehen prestakizunak hasiak dira alderdien aldetik. Hendaian, esaterako, Rapha-



BOB EDMIE

Filipe Aramendi, Abertzaleen Batasunako hautagaia.

el Lasselletek berriz ez aurkezteko erabakia azaldu du. Angelun, Alain Lamassourek kargua utzi eta asteazkenean

Robert Villenavek hartu zuen kargua. Maule eta Hiriburun ere ez dira berriz aurkeztuko egungo auzapezak.

«PPko bere lagunak frankismoaren ondorengo» direla erran dio EAJk Alliot-Marieri

■ Departamenduaren aldeko herritar oro «politikoki arriskutsutzat» ote duen galdegin dio

Erredakzioa / Baiona

MADRILEN Michele Alliot-Marie RPRko buruak EAJren kontra errandakoak fermuki salatu ditu Iparaldeko EAJk. «EAJ alderdi demokrata da, terrorismoaren eta bortizkeria politikoaren kontra jarrera fermua atxiki duena betidanik. Alliot-Mariere PPko lagunak ez dezakete halakorik erran, frankismoaren eta 40 urteko diktaduraren ondorengo baitira», oroitarazi du. Lagunak hobeki hauta ditzakeela adierazi du EAJk.

Bake bidean eginahal guztiak egin dituela dio EAJk: «Alliot-Mariere lagunak euskal herritarrek sufritzen duten egoerari aterabidea atzemateko ez dute deus egiten». «Aznar ere salatzen ahal du Arafatekin dituen harremanengatik? Euskal Departamenduaren aldeko herritar, hautetsi eta enpresariak eta herritar gehienak ere politikoki arriskutsutzat al ditu?», galdegin dute. «Alliot-Mariere gutieneko errespetua agertu beharko lieke bere herritarrei».

Brissonen PP defenditu du

EAJk Alliot-Marieri atzo egindako kritikei erantzunez, Max Brissonek «PP frankismoarekin konparatzea onartezina» dela adierazi zuen. «Carlos Iturgaitzek eta bere lagunak 40 urte baino gutiago dute. Franco hiltzean, galtza motzetan zebiltzan», adierazi zuen Iparaldeko RPRko buruak.

EAJ zehazgabatasunean ari dela dio Max Brissonek, eta horretarako Jasser Arafat aipatzen duela. «Hiltzaileekin elkarriketa bideratu ordez, hobe luke PP eta PSOErekin harremanak estutzea», adierazi zuen. «Bakea atzemateko, lehenik euskal gizartearen %90 osatzen duten demokratik batu behar dira».